

Verslag bijeenkomst Streektaolambassadeurs 30 juni 2021

Anwezig: Henk van Tellingen, Eduard Annen, Ans Klok, Tea Nijhuis, Bertus Mos, Willy Weerman, Hennie Enting, Aaltje Leusink-Houwing, Geert Woldman, Jan Hartlief, Renate Snoeiijing

Ofwezig: Leny Hamminga, Annemiek Drenth, Yvonne Bijl, Arja Olthof

Renate döt de vergadering lös en zeg dat ze bliede is daw met dizze groep weer ies bij mekaar kommen kunt. De lêeste maol was in september 2020.

Der bint vandaag **twee neie Streektaolambassadeurs** in oes midden: Hennie Enting en Aaltje Leusink-Houwing. Allebei hebt ze zuch kört veursteld.

Hennie is gien onbekende, want zie dreit al jaoren met as Streektaolvrijwilliger in Assen en is ok docent Drents. Sinds 1 jannewari hef ze het stokkie van Rinus overnummen. Hennie warkt veur Biblionet. Officiële overdracht van de bongel is in augustus.

Aaltje is al sinds veurig naojaor in beeld, maor nemp dizze week officieel de bongel en daormet het Streektaolambassadeurschap van Willy over. Aaltje hef samen met heur dochter veer kees- en delicatessenwinkels (Börger, Coevern, Ter Aopel en Örvelt) en woont in Bunen.

De aandere Streektaolambassadeurs hebt zuch ok kört even veursteld an oeze neie collega's. De officiële overdracht kan op het moment niet bij een vrijwilligersmörge in Beilen gebeuren umreden dat die nog niet weer organiseerd kunt worden met de aanderhalvemeterregel én het verplichte testen aj een bijeenkomst met meer as vieftig man hebt.

Inkommen en anheurd:

- Veurzitter Emko Dolfing is al sinds meert oet de running, umdat e toen op het ies vallen is en door een stevige harsenschudding an overholden hef. In het ziekenhuus hebt ze alles controleerd, maor aans niks vunden. Dus Emko hef gewoon pech dat e heurt bij de categorie die wal tot een jaor last holden kan van die harsenschudding. Hie kan zuch moeilijk concentreren en is wat emotioneler as normaal. Zien taken in het bestuur wordt tiedelijk opvangen deur Roelie Lubbers-Hilbrandts.
- Jan Germs is opereerd en hef een neie knei kregen. Operatie is slaagd, dokteren en fysiotherapeut bint tevreden. Jan is an het revalideren en is ok tevreden, maor het giet hum vanzölf niet rap genug.
- Baukje mak heur lêeste vekaansiedagen op (en dat waren der nog al wat nao 12,5 jaor in dienst). Daorum is ze sinds 1 juni niet meer op kantoor. Per 1 september giet ze met pensioen. Heur opvolgster Roelie Koobs is op 1 mei begund.

- Arja verwacht eind november heur darde kind. Op dit moment is Renate drok met het zuken van vervanging veur de periode van heur verlof. Renate dèenkt dat het wal lukken giet en verwacht hier nao de zommer meer over vertellen te kunnen.
- Bert giet met zien Ed verhoezen naor Diever. Ok gaot ze een geregistreerd partnerschap an, waarbij Ans Klok ze as ambtenaar met mekaar verbinden mag.
- Rosalien is ten huwelijk vraogd en giet volgend jaor trouwen met heur Jan.
- Het team in Beilen hef maondag veur het eerst weer met mekaar um de taofel zeten en vergaderd in Beilen. Vanof nou bint ze allemaol op maondag in Beilen. De rest van de tied is het de helft vanuut huus en de helft op kantoor (zoas veurschreven deur de overheid).

Wat er allemaol daon is op het gebied van de streektaol

Renate lat in een prissentatie zien wat er allemaol daon is op het gebied van de streektaol sinds september 2020 deur metwarkers en vrijwilligers van het Huus.

Nedersaksisch neis

- der is sinds eind meert een mandielige Nedersaksische website. In het begun was die allén in het Nederlands, wat (terecht) commentaar opleverde. Maor intussen stiet er al wat meer streektaol op. Bedoeling is 50%-50%. De website is veural bedoeld um te laoten zien daw met mekaar optrekt en daw op die manier een grotere voest maken kunt veur wat de streektaol angiet.
- In het naojaor wiw *De Week van de Nedersaksische Schrieverij* organiseren, van 8 t/m 14 november. Invulling biw nou met mekaar naor an 't kieken. Renate gef an dat ze vindt dat er meer andacht kommen möt veur de schrieverij.
- In de vergadering komp het op het *Nedersaksisch Convenant* dat in oktober 2018 tiekend is. Wij bint het er over iens, dat er veuls te weinig gebeurd vanuut de previncie en de gemientes op dit gebied. Wij twiefelt ok of alle gemientes wal weet hebt van het convenant. Bertus gef an dat het goed weden zul, wanneer we een soort bijienkomst veur wetholders en cultuurambtenaren organiseren zulden, um ze bij te praoten over het convenant. Een soort veurlichting. Wij hebt ofpraot dat Renate, samen met de metwarkers van het Huus, hiurveur een veurstel mak en daw dat in de eerstvolgende vergadering met de Streektaolambassadeurs bespreekt. Ok zörgt Renate dat elkenien een samenvatting van het convenant kreg (zit in de bijlage bij dit verslag!).

Cursuswark

Nao de zommervekaansie start wij het cursuswark weer op. In Hollandscheveld begunnt ze end oktober met een Dieper deur Drenthe cursus, dat is veur het eerst met het neie cursusboek.

Jan möt zien cursus in Scheloo nog ofronden (veur Corona begunnd). Daornao gef e in Zuudlaoren an de Volksuniversiteit in januari 2020 een Drenthecursus.

Bertus hef zoveul anmeldingen veur Rune, dat Arja nou an 't kieken is ow de groep splitsen kunt.

Ans hef weer in groep in het naojaor in Dwingel. Ze hef veur de spelling, Drenthecursus en Dieper deur Drenthe al gegadigden.

In Ien komp een Moi-cursus, deur Ger Veenstra. Daor bint wat cursisten ofvallen, dus wij kiekt wat er nog an geïnteresseerden binnendruppelt nao het persbericht.

Wieder stiet staot er nog een stuk of tien geïnteresseerden op Arja heur liest. Zij kek waar die anschoeven kunt.

7) **Rondtie langs de velden**

Bertus:

nao de zomer start we de boel weer op in de Wolden

Tea:

in oktober hew veur het eerst weer een vergadering met de vrijwilligers. Wal is der in het naojaor weer een Drèentse karkdienst in Paais.

Geert:

op 1 juli overleg met de vrijwilligers. Hef 2 vrijwilligers die der met opholdt. En iene die deur ziekte niet weer terugkomp. Dus möt wal op zuuk naor neie vrijwilligers. Geert zal Grietje vraogen (die verhuusd is naor Vries) of die bij de vrijwilligers van Leny wil.

Jan:

begun augustus eerste bijienkomst met vrijwilligers. We gaot undermeer kieken naor wandelingen. Jan har 12 vrijwilligers en hef der nou nog maor 9, dus möt ok op zuuk naor wat uutbreiding.

Ans:

wij komt end juli/begun augustus weer bij mekaar. 30 oktober is de Nacht van de Nacht. En der komt 3x Taal an Taofel an in 2021/2022 en daor möt ok een goeie invulling veur kommen.

Henk:

wij komt nao de zomervekaansie weer bij mekaar.

Eduard:

hef ien vrijwilliger en prebeert zölf veural om het Drèents via social media op de kaart te zetten. Is in De Wolden vraogd um een Drèents woord veur burgerhulpverlener, die hef e via Huus van de Taol en via social media uutzet. Nou ligt er twee woorden: naoberhelper en meinsenredder. Bint ok contact met Hartveilig Drenthe en die wilt er lichtkans ok nog wal wat met doen. Arwoud Snippe (facilitaire man gemiente Midden-Drenthe) is veurzitter en Renate zal contact met hun opnimmen. Eduard döt ok nog een radioprogramma in Möppelt en zörgt erveur dat daor Drèents te heuren is.

Hennie:

hef nou 8 vrijwilligers. Kun ok nog wal wat extra gebruiken. Bint op 30 juni veur het eerst fysiek bij mekaar west, hierveur gung het via Jitsi. Bint gangs met de organisatie van een wandeltocht *Van Valkenstijn tot Drentsche Aa*. Combinatie van taol, landschap en historie.

In juli schöf ze an bij het overleg van het bestuur van de Historische Verieniging in Assen. Ze hebt een aanvraag kregen um een culturele middag te verzörgeren. Hennie vindt dat het Drèents ok een rol kan hebben bij de heropening van het verneide Koopmansplein, dus kek hoe ze dat veur mekaar kriegen kan. Ok wilt ze brieder kieken gaon, umdat er in Assen ok veul volk uut Grunning woont. Dus wat meer op de Nedersakische toer.

Willy/Aaltje:

overdracht is 1 juli. Eerste activiteit hef zuch al andiend, want der bint stemmen op gaon in Börger um te zörgeren dat Johanna Bergmans-Beins een standbeeld kreg. Nou hebt allén Hans Heyting en Harm Tiesing een standbeeld, maor ok dizze schriefster verdient er iene. Aaltje haakt an bij dit initiatief van Jannet en Geert Oldenbeuving.

Ok is der contact met de TIP veur het organiseren van wandelingen. Jan gef Willy/Aaltje de tip um dan ok even naor Grol te kieken, want daar doet ze al zukswat.

Willy komp met het idee um ipv een kinderburgermeester een soort van junior streektaolambassadeur te benumen. Hie hef de bongel der al veur maakt. Renate meldt dat ze al eerder zu'n soort idee zien hef en giet kieken wie dat indiend har.

8) **Rondvraag**

Renate zal zörgeren veur een neie liest met contactgegevens van de Streektaolambassadeurs.

In het rondtie langs de velden vuul het Renate op dat er best veul columns schreven wordt deur Streektaolambassadeurs en -vrijwilligers. Renate vindt het zunde dat daar nou niet meer met daon wordt en vrag um dizze columns vanof nou ok te dielen met het Huus van de Taol. Mits de spelling op örde is, kuw daow op Facebook of op de website vast nog wal wat met. Renate besprek dit met Bert.